



Athbhreithniú Polasaí Riachtanas Speisialta

Baineann an Polasaí seo le scoláirí, tuismitheoirí/caomhnóirí, foireann teagaisc agus Bainistíochta na scoile chomh maith le Bord Oideachais agus Oiliúna Gaillimh/Ros Comáin

Clár:

1. Treoirlínte agus Cáipéisí.
2. Aidhm an pholasaí.
3. Achtanna ábhartha.
4. Sainmhiniú ar Riachtanas speisialta.
5. Ciorclán 0014/2017.
6. Ról an Tuismitheora/Caomhnóra.
7. Ról Fhoireann na Scoile
 - A. Ról an Bhord Bainistíochta.
 - B. Ról an Phríomhoide/Leas Phríomhoide.
 - C. Ról an Mhúinteora Ranga.
 - D. Ról an Mhúinteora Tacaíochta Foghlama.
 - E. Ról an Mhúinteora Treorach.
 - F. Ról an Mhúinteora Caidrimh Baile.
 - G. Ról an Scoláire le Riachtanas Speisialta.

1. Tá an polasaí athbhreithnithe seo bunaithe go príomha ar na treoirlínte atá le fáil sna cáipéisí seo a leanas:

- Ciorclán 14/17
- Treoirlínte d'Iarbhunscoileanna "Ag Tacú le Daltaí i Scoileanna Príomhshrutha a bhfuil Riachtanais Speisialta Oideachais acu" 2017.
- Contanam Tacaíochta NEPS.
- Pacáiste Acmhainní NEPS.

2. Aidhm an Pholasaí

Is í aidhm an pholasaí seo ná:

- Sainmhíniú a thabhairt ar céard is riachtanas speisialta ann de réir na n-achtanna a bhaineann le riachtanais speisialta.
- Soiléiriú a dhéanamh ar an ról atá ag gach baill d'fhoireann na scoile i gcúrsaí riachtanas speisialta.
- Oideachas Uileghabhálach a fhorbairt agus a chur chun cinn sa scoil.
- Teagmháil mhaith a chothú i bpobal na scoile chun comhoibriú a fhorbairt ar son gach scoláire, iad siúd le riachtanais speisialta san áireamh.
- Timpeallacht sábháilte agus comhbhách a chur ar fáil inár féidir le gach scoláire a lánachmhainneacht a chomhlíonadh.
- A chinntiú go bhfaigheann gach scoláire cothrom na féinne ó thaobh rochtain chuig an gcuraclam atá siad i dteideal de réir an Acht Riachtanais Oideachais Speisialta (2004).

3. Achtanna ábhartha

De réir roinn 9 den Acht Oideachais (1998) caithfidh gach scoil a chinntiú go n-aithnítear agus go ndéantar freastal ar Riachtanas Oideachasúil gach scoláire, iad siúd a bhfuil Riachtanais Oideachasúla Speisialta acu san áireamh. Tá sé mar aidhm ag an Acht Oideachais (2004), Roinn 13 a chinntiú go mbeidh na cearta céanna oideachasúla ag scoláirí le Riachtanais Speisialta agus go mbeidh siad in ann leas cheart a bhaint as, mar atá a gcomhscoláirí.

Leiríonn an tAcht Riachtanais Oideachais Speisialta (2004) gur ceart é an tOideachas uileghabhálach i ngach scoil. Dearbhaíonn sé go bhfuil na cearta céanna ag daoine le riachtanais speisialta oideachais páirt a ghlacadh in oideachas agus tairbhe a bhaint as agus atá ag daoine nach bhfuil na riachtanais sin acu. Fórálann sé go gcuirtear oideachas ar dhaoine le riachtanais speisialta Oideachais i dtimpeallacht chuimsitheach, chomh fada agus is féidir.

4. Sainmhiniú ar Riachtanas speisialta.

De réir Acht um Oideachais do Dhaoine le Riachtanais Speisialta Oideachais (2004);

'Áirítear tú mar dhuine le Riachtanas Speisialta Oideachais mura bhfuil sé ar do chumas a bheith páirteach go hiomlán in oideachas agus tairbhe a bhaint as mar gheall ar míchumas buan, bíodh sé fisiceach, céadfach, meabhairshláinteach nó foghlamtha.'

5. Ciorclán 0014/2017

Tá trí leibhéal i gceist sa mhúnla nua tacaíochta foghlama

- Leibhéal 1: Tacaíocht do chách
- Leibhéal 2: Tacaíocht do chuid
- Leibhéal 3: Tacaíocht do líon beag scoláirí

Leibhéal 1: Tacaíocht do chách

- Caithfidh foireann iomlán na scoile timpeallacht dhearfach agus shábhailte a chruthú sa scoil.
- Caithfidh na múinteoirí timpeallacht dhearfach foghlama a chruthú sa scoil. Beidh difreáil, measúnú chun foghlama i bhfeidhm sna ranganna agus cuirfear rogha de Chláir Fhoghlama L2 ar fáil do scoláirí le Neamhord Ginearálta Foghlama a bheadh sa réimse mion/meánach.
- Beidh córas iompraíochta éifeachtach i bhfeidhm sa scoil.
- Aithneofar deacrachtaí iompraíochta/sóisialta/meabhairshláinte agus foghlama go luath ag cruinnithe rialta de chuid Coiste Tacaíochta na Scoile (deánfaidh gach múinteoir scoláirí a mbíonn údar imní fúthu a atreorú chuig an gCoiste Tacaíochta agus baileofar sonraí go luath faoi scoláirí a mbíonn údar imní fúthu ag úsáid seicliostaí oiriúnacha as pacáiste acmhainní NEPS).
- Cuirfear treanáil oiriúnach ar fáil do mhúinteoirí ón STOS (SESS).
- Nuair a theipeann ar idirghabhálacha ag léibhéal 1, déanfaidh an coiste tacaíochta scoláirí a atreorú chuig léibhéal a 2.
- Déanfar tástálacha caighdeánacha Gaeilge, Béarla agus Mata le scoláirí 1ú /2ú bliain i mí Bealtaine gach bliain; Déanfar tástálacha Mata agus Béarla leis an 3ú/4ú bliain i mí Bealtaine chomh maith. Tógfar torthaí na dtástálacha seo san áireamh agus roghnúchán á dhéanamh maidir leis an leibhéal tacaíochta a chuirfear ar fáil do scoláirí más gá.
- Iarrtar ar na bunscoileanna aon eolas atá acu maidir le scoláirí le Riachtanais Speisialta Oideachais a sheoladh ar aghaidh chuig príomhoide Choláiste na bPíarsach i bhfoirm pásanna oideachais, chomh maith le tástáil oideachasúil nó siceolaíochta. Coinnítear an t-eolas seo faoi rún.
- Ag tús na scoil bhliana, cuirfear eolas faoina scoláirí le Riachtanais Speisialta Oideachais ar fáil do ghach múinteoir, le cead ón Tuismitheoir/Caomhnóir. Tugtar le fios do chuile mhúinteoir go bhfuil an t-eolas rúnda agus déantar pléigh ar thástáil an tsiceolaí maidir leis an riachtanas speisialta agus na moltaí atá tugtha. Beidh sé ar chumas an mhúinteora an t-eolas seo a chur in oiriúint dá scoláirí más amlaidh.

Leibhéal 2: Tacaíocht do chuid

- Is féidir scoláire a atreorú chuig léibhéal a 2/3 má aithnítear an gá sin i dtuairiscí síceolaíochta, tuairiscí ó bhéal, nó aon fhianaise eile.
- Cuirfear tacaíochtaí breise ar fáil do roinnt scoláirí le deacrachtaí iompraíochta/meabhairshláinte/foghlama nó sóisialta (le tacaíocht ó mhúinteoirí bliana nó baill eile foirne de réir mar is caoi). D'fhéadfaí gur ranganna tacaíochta foghlama aonair a bheadh anseo nó teagasc do ghrúpa beag msh. a bheadh ag feidhmiú ag léibhéal níos ísle nó a bheadh ag léibhéal eisceachtúil, nó tacaíocht sna ranganna tríd buíonteagasc.
- Cuirfear coinníollacha RACE i bhfeidhm do ghach scoláire ina theideal.
- Casfaidh comhordaitheoir Riachtanais Speisialta Oideachais nó ball eile den fhoireann riachtanais speisialta oideachais le príomhoidí & múinteoirí acmhainní sna bunscoileanna áitiúla ina mbeidh scoláirí, atá aitheanta le riachtanais oideachais, ag teacht isteach i gColáiste na bPiarsach sa chéad bhliain.
- Casfar le tuismitheoirí/caomhnóirí más gá freisin, chun breis eolais a bhailiú, faoina scoláirí atá aitheanta. Casfar le tuismitheoirí/ caomhnóirí go rialta i rith na scoil bhliana chun dul chun cinn scoláirí a phléigh.
- Pléann an fhoireann RSO na scoláirí ar fad atá i dteideal tacaíochta foghlama ag cruinnithe rialta, i dtaca le múinteoirí a bhíonn i mbun ranganna le scoláirí a bhfuil riachtanais speisialta oideachais acu. Eagrófar tuilleadh measúnaithe ar na scoláirí seo ag úsáid seicliostaí srl. de réir mar is caoi.
- Beidh 'Comhad Tacaíochta do Dhaltaí' ag gach scoláire ag léibhéal a 2/3, ina gcoinneofar taifead ar na tacaíochtaí a tugadh, agus a bheidh coinnithe faoi ghlas.
- Le haghaidh gach idirghabháil a chuirtear i bhfeidhm ag leibhéal 2/3, lorgófar inchur agus cead an tuismitheora.
- I gcás go bhfuil tacaíocht aonair ag teastáil ó scoláire, déanfar gach iarracht an scoláire a bhaint amach as ranganna nach bhfuil roghnaithe acu don scoil bhliain. I gcásanna nach féidir é seo a dhéanamh, bíonn béim ar theagmháil mhaith idir na múinteoirí tacaíochta agus na múinteoirí ranga chun dul chun cinn an scoláire a fhorbairt san ábhar sin.
- Tógfar tástáil an tsíceolaí san áireamh chun plean oideachasúil a chur le chéile don scoláire sin.

Leibhéal 3: Tacaíocht do líon beag scoláirí.

- Mura léir, tar éis tréimhse oiriúnach idirghabhálach agus athbhreithnithe, nach bhfuil tacaíocht leibhéal a 2 chun dul i ngleic go héifeachtach le deacracht a bhíonn ag scoláirí, is cóir go ndéanfadh an fhoireann RSO an scoláire sin a atreorú do thacaíochtaí leibhéal a 3. Is éard atá anseo ná cúram níos tréine agus níos dírithe ar an scoláire aonair. Déantar teagmháil le heagraíochtaí seachtracha (msh. NEPS, CAMHS, agus teiripeoirí srl) más gá.
- Tógtar tástáil an tsiceolaí san áireamh chun plan oideachasúil a chur le chéile don scoláire sin.
- Déanfar teagmháil le scoláirí, tuismitheoirí/caomhnóirí, múinteoirí agus NEPS srl, nuair atá plan aonair á fhorbairt do na scoláirí seo.
- Déanfar agallamh, breathnadóireacht, taifead a choinneáil agus úsáidfear seicliostaí chun láidreachtaí agus riachtanais scoláirí a aithint agus a mheas ar bhun rialta.
- Déanfar spriocanna a leagan amach ag baint úsáide as straitéisí réalaiócha len é sin a dhéanamh.
- Forbrófar cur chuige le réimsí straitéisí, chun dul i ngleic le mí-iompar atá ar scála fíor ard.
- Déanfar scoláirí a atreorú chomh luath agus a aithnítear an gá chuig seirbhísí seachtracha, msh. CAMHS.

6. Ról an Tuismitheora/Caomhnóra

Is í an chlann an príomh oideachasóir, mar sin, glacann Tuismitheoirí/Caomhnóirí do scoláirí le Riachtanais Speisialta Oideachais ról fíorthábhachtach in aithint, agus ag tacú lena ngasúr. Iarrtar ar thuismitheoirí/caomhnóirí an t-eolas ar fad a chur ar aghaidh nuair atá na foirmeacha iontrála á líonadh isteach acu.

7. Ról Fhoireann na Scoile

Tá na rólanna seo a leanas leagtha síos de réir treoirlínte na Cigireachta a éisíodh i 2007 i dtaobh oideachas cuimsitheach a chur ar fáil do scoláirí le riachtanais speisialta san iarbhunscoil.

a. An Bord Bainistíochta:

- Déanamh cinnte go bhfuil polasaí Riachtanais Speisialta sa scoil a dhéanann forbairt ar timpeallacht Oideachais uileghabhálach do scoláirí le riachtanais speisialta.
- Socraithe athbhreithniúcháin a dhéanamh ar réimse soláthar curaclam chun a chinntiú go bhfuil cláracha feiliúnacha ar fáil do ghach scoláire le riachtanais speisialta.
- Déanamh cinnte go bhfuil socraithe i gcomhair socruithe reasúnta déanta do scoláirí le riachtanais speisialta sna scrúduithe stáit.
- Cur le forbairt in aithint scoláirí le riachtanais speisialta i measc fhoireann na scoile chun timpeallacht uileghabhálach a chothú i bpobal na scoile.
- Tacaíocht a thabhairt i dtaobh forbairt proifisiúnta múinteoirí a bhaineann le riachtanais speisialta.
- Páirt a ghlacadh i stóráil agus in aistriú doiciméad rúnda a bhaineann le scoláirí le riachtanais speisialta agus áit shábháilte a chur ar fáil chun na doiciméid seo a stóráil.
- A chinntiú go bhfuil acmhainní oiriúnacha ar fáil, acmhainní ón Roinn Oideachais agus Scileanna san áireamh, do scoláirí le riachtanais speisialta.

b. Ról an Phríomhoide/Leas phríomhoide:

- Oibriú le Bord Bainistíochta na scoile, múinteoirí agus tuismitheoirí i dtaobh forbairt, cur i bhfeidhm agus athbhreithniú polasaithe scoile a dhéanann forbairt ar Oideachas uileghabhálach do scoláirí le riachtanais speisialta.
- A chinntiú go bhfuil cur síos ar pholasaithe den saghas seo i bplean na scoile.
- Monatóireacht leanúnach a dhéanamh ar cur i bhfeidhm polasaithe scoile chomh maith le soláthar clár/acmhainní do riachtanais speisialta.
- Dul i dteagmháil mar a theastaíonn leis na heagraíochtaí oiriúnacha chomh maith leis an Roinn Oideachais agus Scileanna, NEPS, FSS srl.
- Freagrach as tuairicísí scoláirí a stóráil go rúnda.

c. Ról an Mhúinteora Ranga:

- Tá sé mar dhualgas ar an múinteoir ranga a chinntiú go bhfuil timpeallacht agus clár foghlama feiliúnach ar fáil do ghach scoláire, iad siúd le riachtanais speisialta san áireamh, a thugann gach deis dóibh a gcuid foghlama a fhorbairt agus an curaclam a aimsiú.
- Tá ról tábhachtach ag an múinteoir ranga na scoláirí a d'fhéadfadh a bheith i mbaol ó thaobh deacrachtaí iompraíochta/sóisialta/meabhairshláinte agus foghlama, a chur in aithne do bhaill Coiste Tacaíochta na Scoile.
- Tá ról fíorthábhachtach ag múinteoirí ranga chun timpeallacht tacaíochta, tuisceanach a chothú sa scoil do scoláirí le riachtanais foghlama a chuireann béim ar a gcuid láidreachtaí agus a chuireann lena n-ábaltacht lánpháirt a ghlacadh i bpobal na scoile.
- Ba cheart go mbeadh difrealú á chur i bhfeidhm sa rang chun dul i ngleic le riachtanais na scoláirí seo. Is bealach é difrealú ina féidir le múinteoirí ranga tacú le timpeallacht uileghabhálach a chothú sa scoil.
- Iarrtar ar mhúinteoirí ranga smaoineamh ar riachtanais scoláirí agus iad ag roghnú téacsleabhar; i mbun cúrsaí pleanála; ag socrú obair bhaile agus ag leagan amach scrúduithe ranga nó deireadh téarmach.
- Tá sé iarrtha ar na múinteoirí ranga iad féin a oiliúint ar na riachtanais atá ag na scoláirí áirithe ina rang agus a bheith páirteach i bpleanáil aidhmeanna feiliúnacha do na scoláirí sin.
- Tá ról tábhachtach ag na múinteoirí ranga i monatóireacht a dhéanamh ar dhul chun cinn na scoláirí le riachtanais speisialta i bpáirt leis an bhfoireann RSO.
- Is féidir le múinteoirí ranga tuismitheoirí/caomhnóirí a choinneáil ar an eolas ar dhul chun cinn scoláirí le riachtanais speisialta trí chruinnithe múinteoirí/tuismitheoirí, tuairiscí scoile, agus iad féin a chur ar fáil ó am go chéile chun bualadh le tuismitheoirí de réir mar a oireann sé.
- Is féidir le múinteoirí ranga cur le pleanáil forbartha na scoile do scoláirí le riachtanais speisialta trí pleanáil straitéiseach ag leibhéal na roinn ábhair.
- Tá gá le teagmháil láidir idir mhúinteoirí ranga agus fhoireann RSO na scoile chun dul chun cinn scoláirí le riachtanais speisialta a fhorbairt.

d. Ról an Mhúinteora Oideachais Speisialta:

- Comhairle a thabhairt d'fhoireann na scoile ar straitéisí múinteoireachta/acmhainní feiliúnacha do scoláirí le riachtanais speisialta.
- Comhairle a thabhairt conas dáiliúchán éifeachtach a dhéanamh ar uaireanta oibre an chuntóra riachtanais speisialta sa scoil.
- Páirt a ghlacadh i bpleanáil polasaithe scoile a bhaineann le tástálacha, obair bhaile agus planáil aonarach do scoláirí le riachtanas speisialta.
- Páirteach i roghnú scoláirí do na leibhéil éagsúla tacaíochta (L.1,2,3) sa scoil.
- Roghnú agus cothabháil acmhainní foghlama do scoláirí le riachtanais speisialta.
- A bheith páirteach sa phróiseas eagrúcháin a bhaineann le hiarratais i gcomhair socruithe reasúnta do scoláirí le riachtanais speisialta sna scrúduithe stáit.
- Teagmháil a dhéanamh le lucht proifisiúnta a bhaineann le scoláirí le riachtanais speisialta a thugann cuairt ar an scoil.
- Cur i bhfeidhm agus monatóireacht a dhéanamh ar scoláirí a bhfuil gnóthachtáil oideachasúil íseal acu chomh maith leo siúd a bhfuil riachtanais speisialta acu.
- Tacaíocht proifisiúnta a chur ar fáil d'fhoireann na scoile maidir le scoláirí le riachtanais speisialta.
- A bheith páirteach sa phleanáil i gcur le chéile plan tacaíochta aonair do scoláirí nuair is gá.
- Tuismitheoirí/caomhnóirí a chur ar an eolas go rialta maidir le dul chun cinn an scoláire le riachtanas speisialta agus chun pléigh a dhéanamh ar chúrsaí eile a thagann chun cinn i rith na bliana.

e. Ról an Mhúinteora Treorach:

- Tá páirt lárnach ag an múinteoir treorach i dtimpeallacht uileghabhálach a chothú do scoláirí le riachtanais speisialta i bpáirt leis an bhfoireann RSO.
- Ba cheart go mbeadh treoir pearsanta chomh maith le tacaíocht ar fáil do scoláirí le riachtanais speisialta - agus dá dtuismitheoirí/caomhnóirí de réir mar a theastaíonn sé.
- Ba cheart go mbeadh comhairleoireacht agus tacaíocht do scoláirí le riachtanais speisialta mar pháirt den phlean uiletreorach na scoile.

- Tá ról tabhachtach ag an múinteoir treorach ag cuidiú le scoláirí le riachtanais speisialta ag na stáideanna difriúla a bhaineann le roghnúchán gairme a dhéanamh.
- Is féidir leis an múinteoir treorach cuidiú le socrúithe a chur i bhfeidhm a thugann tacaíocht do scoláirí le riachtanais speisialta an t-aistriú idir an bhunscoil agus an iar-bhunscoil a dhéanamh chomh maith le cuidiú le heolas a bhailiú ar na scoláirí sin.
- Is féidir leis an múinteoir treorach páirt a ghlacadh sa phróiséas measúnaithe i bpáirt le baill eile d'fhoireann na scoile.
- Is féidir leis an múinteoir treorach cúnaimh a thabhairt foireann na scoile a chur ar an eolas faoi scoláirí le riachtanais speisialta agus comhairle a thabhairt dóibh ar conas is féidir cabhrú leis na scoláirí seo.

f. Ról an Mhúinteora Caidrimh Baile:

- Is féidir seirbhísí an mhúinteora caidrimh baile a chur san áireamh chun tacaíocht a thabhairt do thuismitheoirí/caomhnóirí scoláirí le riachtanais speisialta.
- Is féidir leis an múinteoir caidrimh baile cur le hobairt foirne RSO chomh maith le foireann teagaisc na scoile i dtaobh scoláirí le riachtanais speisialta. Mar shampla, grúpa tacaíochta a chothú do thuismitheoirí/caomhnóirí scoláirí le riachtanais speisialta.

g. Ról an Scoláire le Riachtanas Speisialta:

- Páirt a ghlacadh, nuair is gá, sa phleanáil, cur i bhfeidhm, forbairt agus athbhreithniú.
- Ba cheart go mbeadh deis ag scoláirí le riachtanais speisialta a bheith rannpháirteach sa phróiséas bailiúcháin eolais, leagan síos aidhmeanna foghlama agus monatóireacht a dhéanamh ar a gcuid dul chun cinn féin.

Déanfar athbhreithniú ar an bpolasaí seo ag tús an scoilbhliain 2020/21 nó níos tuisce má gá.

Faofa ag Bord Bainistíochta Coláiste na bPiarsach, Ros Muc ar an _____

Siniú Cathaoirleach an Bhoird: _____

